



Giachen Martin Monn - Jacomet

12.07.1917 - 04.06.2001

Gliendisdis notg dalla fiasta da Tschuncheismas ils 4 da zercladur 2001 ha il Tutpussent clamau siu survient tier la cuminonza perpetna. Giachen Martin ei naschius ils 12 da fenadur 1917 a Gionda. Sco feagl da Gion Michel Monn e Barla nata Schmid ha el passentaus ensemen cun ses 4 fargliuns ina bial'affonza el vitg da Gionda. Suententer ha el frequentau las scolastordinarias en Tujetsch ha el visitau 2 onns ina scola a Walterswil e silsuententer ha el fatg igl emprendissadi da scrinari a Rueras. Il menaschi da puresser dils geniturs ha denton clamau anavos il talentau scrinari en la patria oriunda.

Igl onn 1957 marida Giachen Martin la giuvna Georgina Jacomet da Mompé Medel. Dieus benedescha la lètg cun tschun affons, ina buoba e quater buobs. La famiglia ei la ventira en casa, mo dat bia lavur e quitaus. Cun agen engaschi e lavur baghegia Giachen Martin cun sia consorta ina nova dimora sper casa paterna. Ils menaschis da puresser, da scrinari, la casa da giuvenils Larisch e habitaziuns da vacanzas occupeschan il trapassau cumpleinamein. Malgrad tutta lavur ha el adina puspei anflau temps e peda da passentar cun sia famiglia bialas uras da cuminonza. Igl auto che la consorta carrava ha menau il Giachen Martin e sia famiglia en biars e bials loghens en Svizzeria ed exteriur. Quels eveniments han incumbensau la gronda lavur dall'jamna ed il svegliau e zun interessau Gichen Martin gudeva quei tut aparti. Gronda cuntententscha ha el obteniu en la lavur da scrinari. Quell'ccupaziun, era en alta vegliadetgna, ha manteniu il Giachen Martin. Ils dus davos onns ha denton il sustegn dallas combas schau suenter, aschia ch'el ei ligiaus da passentar il temps pli u meins en casa paterna.

En tutta tgeudad e cun il vegl proverbi «Ura e lavura, Dieus Tei gida lura» ha il Giachen Martin saviu bandunar ils ses ed il terreste. Per Tei ei il viadi vargaus e Ti sas guder gl'engraziament e la pasch celestia per Tia lavur e Tiu pitir. Nus tuts vegnin a tener Tei en buna memoria. Ruaussa en pasch.

Las familias en malencurada